

Breytingar á aðflutningsskýrslu, ebl. E1 og EDI/VEF-aðflutningsskýrslum vegna nýrra úrvinnslugjalda á pappa/pappírs- og plastumbúðir, sem taka gildi 1. janúar 2006 við álagningu aðflutningsgjalda við tollafgreiðslu.

Útgáfa skjals: 1.6 - 19.10.2005

Inngangur

Hér er lýst breytingum á aðflutningsskýrslu er varða nýja gjaldstofna vegna álagningar úrvinnslugjalda á pappa-, pappírs- og plastumbúðir. Breytingar þarf að gera á vörulínu tollskrárnúmera í aðflutningsskýrslu; gera þarf mögulegt að gefa upp þyngd (kg) pappa- og pappírsumbúða annarsvegar og hinsvegar plastumbúða, hvort sem umbúðir eru fluttar inn einar og sér eða eru utan um vöru. Þessir gjaldstofnar eru ekki til í aðflutningsskýrslu í dag. Nefnd úrvinnslugjöld eru síðan álögð við tollafgreiðslu á nefnda gjaldstofna. Vegna þessa þarf að gera breytingar á útfyllingu aðflutningsskýrslu og tollkerfum, m.a. setja inn ný svæði/reiti fyrir þessar upplýsingar og þeim tengdum.

Sjá einkum 1. og 4. gr. laga nr. 128/2004 um breytingu á lögum nr. 162/2002, um úrvinnslugjald, með síðari breytingum:
<http://stjornartidindi.is/servlet/stjrtid/A/2004/128.pdf>
<http://www.althingi.is/altext/131/s/1265.html> Lög um frestun á gildistöku til 1. janúar 2006 (upphaflega 1. sept. 2005)

Reglugerð nr. 228/1993, um tollskýrslur og fylgiskjöl þeirra, sbr. reglugerð nr. 857/2000 um breytingu á henni.
<http://www2.tollur.is/tollur/handbok/handbok1/handb1/reglu24.htm>

Auglýsing nr. 591/2004 um skráningu magntölu vara í aðflutnings- og útflutningsskýrslu.
<http://stjornartidindi.is/servlet/stjrtid/B/2004/591.pdf>

Gjaldstofnar

Gjaldstofnar verða þyngd umbúða, hvorrar umbúðagerðar fyrir sig, í kg með 2 aukastöfum (10 gramma nákvæmni). Stærð og gerð svæðis: (n..9,2)

Útfærsla í aðflutningsskýrslu

Innflytjandi gefur umbúðagerð til kynna í aðflutningsskýrslu niður á tollskrárnúmer/vörulínu, hvort varan sé eða sé ekki í pappa/pappírs- og/eða plastumbúðum og gefur upp viðeigandi magntölur (þyngd umbúða) og hvort þær magntölur eru rauntölur (staðfestar upplýsingar um þyngd) eða áætlaðar tölur, sbr. 4. gr. laga nr. 128/2004 um breytingu á lögum nr. 162/2002, um úrvinnslugjald, með síðari breytingum.

1. *Gjaldakóðar* pappa/pappírsumbúðagjalds (BV gjald) og plastumbúðagjalds (BX gjald) verða skráðir á öll gjaldskyld tollskrárnúmer í tollskrá Tollakerfis hjá tollstjóra á sama hátt og önnur gjöld eru skráð á gjaldskyld tollskrárnúmer viðkomandi gjalda í Tollakerfi, aðflutningsskýrslu o.s.frv.
2. *Gjaldstofnar*. Þessar nýju magntölur í vörulínu í aðflutningsskýrslu verða skráðar með hliðstæðu fyrirkomulagi og gildir um reit 41 í útflutningsskýrslu, ebl. E2.1. Upplýsingar um þyngd verða gefnar með 3 stafa kóða sem táknar gjaldstofn umbúðagerðar og magntala síðan gefin upp með kóða. Þetta gefur möguleika á að fjölga gjaldstofnum magngjalda síðar, t.d. ef úrvinnslugjald á glerumbúðir verður tekið upp o.s.frv., með lágmarksbreytingum í tollkerfum.

3. Gefa skal upp bæði kóda gjaldstofns pappa/pappírsgjalds og kóda gjaldstofns plastgjalds í vörulínu aðflutningsskýrslu eftir því sem við á, þ.e. skv. því hvort tollskrárnúmerið ber þessi nýju úrvinnslugjöld. Ennfremur skal gefa upp magn tölu þyngdar með kóda. Ef varan er einungis í einni umbúðagerð, pappa/pappírsumbúðum eða plastumbúðum, eða er alveg án þessara umbúðagerða þá skal gefa yfirlýsingu um að sú umbúðagerð sé 0 kg (< 0,01 kg) að þyngd, sbr. lið 4 hér á eftir.
4. *Yfirlýsing þess aðila sem fyllir út aðflutningsskýrslu um að varan sé ekki í pappírsumbúðum og/eða plastumbúðum.* Í þessu tilfalli skal gefinn upp sérstakur kódi gjaldstofns umbúðagerðar, sem einungis er notaður þegar viðkomandi umbúðagerð er 0 kg (< 0,01 kg), sbr. lið 3.
5. Ef ekki liggur fyrir staðfest þyngd umbúða er gefið til kynna í aðflutningsskýrslu í vörulínu að þyngd umbúða sé áætluð skv. reiknireglu í lögum og/eða reglugerð um úrvinnslugjald. Reikniregla getur gefið niðurstöðu um að þyngd viðkomandi umbúðagerðar skuli vera allt frá 0 kg og > í vörulínu.

Dæmi

Dæmi um freyðivín í flösku, sem er í pappakassa. 0,75 lítra flaska, 10 stykki, áfengisstyrkleikur er 11,55%. Heildarmagn í lítrum er því 7,5 lítrar og nettóvigti er 12 kg. Heildarþyngd pappakassanna tíu er 0,35 kg, en ekkert plast er í umbúðum. Og kvenskór í vörulínu tvö þar sem þyngd er áætluð skv. reiknireglu.

Vörulína í aðflutningsskýrslu, ebl. E1, er þá þannig útfærð í þessu tilviki (og samsvarandi svæði í tollkerfum):

PP1 kódi merkir gjaldstofn pappa/pappírsgjalds, rauntala (kódi PP2 ef þyngdin er áætluð). PLX er kódi, sbr. lið 4. hér að ofan, sem gefur til kynna að varan sé ekki í plastumbúðum; 0 kg. (PPX ef vara er ekki í pappa/pappírsumbúðum). - Síðan kemur næsta vörulína í skýrslu. - Gjaldstofnskóðar fyrir plastgjaldið: PL1 (rauntala) og PL2 (áætluð þyngd)

28	29	30	31	32	33	34	35	36	37
Tollskrárnúmer	Vörutegund	Einingar-tala	Nettóþyngd í heilum kg	Fob-verð í erl. Mynt	Tegund gjalda	Upp-runa-land	Tollverð	Tollur Taxi	Tollur fjárhæð
2204.1023	Freyðivín	10	12	10.800	A	DE			
	Pappírsumbúðir	PP1	0,35						
	Plastumbúðir	PLX	0						
	Styrkur áfengis %	11,55	7,5	Lítrar					
6404.1901	Kvenskór	850	560	15.500	A	FR			
		PP2	36,00						
		PL2	0						

Sjá ennfremur gildandi leiðbeiningar um tollskýrslugerð, innflutningur, handbók, um reiti 30 og 31 í aðflutningsskýrslu, E1 ebl.

Á hverri vörulínu verður því að gefa upp 2 gjaldstofnskóða; 1 fyrir pappa/pappírsumbúðir og 1 fyrir plastumbúðir. Nánar tiltekið verður fyrir hvora umbúðagerð að gefa upp:

- Pappa/pappírsumbúðir: PP1 ef raunþyngd, staðfest þyngd. PP2 ef áætluð þyngd skv. reiknireglu. PPX ef þyngd er 0 kg (< 0,01 kg), skv. yfirlýsingu þess sem fyllir út aðflutningsskýrslu.
- Plastumbúðir: PL1 ef raunþyngd, staðfest þyngd. PL2 ef áætluð þyngd skv. reiknireglu. PLX ef þyngd er 0 kg (< 0,01 kg) skv. yfirlýsingu þess sem fyllir út aðflutningsskýrslu.

Gjaldakóðar:

BV úrvinnslugjald er 10 kr/kg á pappa/pappírsumbúðir.

BX úrvinnslugjald er 10 kr/kg á plastumbúðir.

Villuprófanir í tollskýrslugerðarhugbúnaði ættu m.a. að vera eftirtaldar:

(Orðið gjaldstofnskóði er sama og magntöluóði.)

- Tiltekinn magntöluóði má aðeins koma fyrir einu sinni í hverri vörulínu tollskrárnúmers í aðflutningsskýrslu.
- Ef magntöluóði er kóði gjaldstofns fyrir 0 kg yfirlýsingu má ekki vera tala í svæðinu með kóðanum. Og öfugt ef kóði magntölu er fyrir raunþyngd (staðfest þyngd) þá verður að vera tala = eða > 0,01 kg í svæðinu með kóða.
- Ekki má vera skráður magntöluóði á vörulínu tollskrárnúmers í aðflutningsskýrslu ef ekki er úrvinnslugjald, á pappa-, pappírs- og eða plastumbúðir á viðkomandi tollskrárnúmeri. Þ.e. tollskrárnúmerið er ekki gjaldskýlt.
- Ef umbúðagjald BX og/eða BV er á tollskrárnúmeri þá verður að fylla út gjaldstofnskóða viðkomandi úrvinnslugjalda ásamt þyngd í vörulínu tollskrárnúmers.
- Ef skráður er kóði magntölu fyrir áætlaða þyngd skv. reiknireglu þá má magntala vera allt frá 0 kg og >.

Núgildandi gjaldstofnar í aðflutningsskýrslu E1 og EDI/VEF-aðflutningsskýrslum:

Gjaldstofnar aðflutningsgjalda

- **Gjaldstofnar í aðflutningsskýrslu** geta verið eftirtaldir í vörulínum tollskrárnúmera:
- Tollverð ← Verðmæti vöru
- Upphæð tolls
- Einingartala (stykkjafjöldi)
- Nettóvignt kg (í heilum kg)
- Lítratatala (með 2 aukastöfum)
- Styrkleikaprósentu áfengis (með 2 aukastöfum)
- Nett-Nett vignt (með 2 aukast.) (skráist í lítrasvæði)
- Vörusendingin sjálf; tollafgreiðslan sem slík
- Gjaldstofn virðisaukask.: tollverð, tollur og gjöld.

Magn vöru

